

Hindergang der Planeten.

S Aturnus gehet zuruck vom 14. des Augstmons bis auff den 29. tag des
Eheistmonats.

Jupiter am anfang des Jahrs bis auff den 25. tag des Jenner/ vnd von dem
2. tag des Wintermons bis zu end des jahrs.

Mars gehet diß jahr nicht zuruck / auch Venus nicht.

Mercurius gehet zuruck von dem 13. tag des Hornungs bis auff den 7. des
Merzen / hernachmals von dem 11. des Brachmons an / bis auff den 2. des
Gewmons / desgleichen von dem 4. tag des Weinmons / bis auff den 26. des
Weinmons.

Sonn vnd Mon gehen nie zuruck / lauffen aber zu ainer zept vnd stell länge
samer vnd geschwinder als andermal.

Aspect vnd Zusamenkunfft der Planeten.

A Elhie ist auff dißmal fürnemblich zumercken / daß auff den 18. tag
Aprilis maxima & ein gar sehr grosse Zusamenkunfft aller Planeten werden
wirdt / im zeichen des Widers / in trigono igneo. Doch ist der Jupiter außge
nommen in Zwillingen / Wirdt auch daneben ein grosse Finsternuß der Sonnen/
gehet aber vnser Land vnd Horizonten nichts an / wie oben auch bemeldet.

Der vierdte Thail.

Von dem anfang des Astrologischen Jahrs / welches man
die Reuolution nennet / sampt einem Iudicio Astrologico von einem
geleerten Mann auß allerlay Astrologen / von allerlay künsttigen sachen Kurtz
zusamen gezogen / dauon ein jeder halten mag was er will.

Die Figur der Reuolution bringt mit sich / daß diß 1586. Jahr
die Sonn in den ersten punct des Widers wirdt eintreten auff den 21. tag
Martij / anderthalb Viertel vor zehen / Vormittag / macht also das requis
noctium / das ist / macht Tag vnd Nacht an 12. stunden gleich / vnd sen alle Planes
ten / außgenommen Jupiter in Fischen vnd Wider.

Volgedas Iudicium / auff die alte Kattung

Alphonk gestellet.

Die Jar wirdt vil vnglücks geschehen / vnd werden sich schreckliche
ding begeben in den Ländern vnd Königreichen so gegen Abent gelegen im
grossen Meer / oder nis weit dauon. Darnach auch in den Insulis Fortunatis
vnd dergleichen Orten. Bey vns aber hie in Teutschland vnd bey denen Völkern
so gegen Morgen wohnen / wirdts etwas bessers stehen / denn es felle diß jahr
kame würckung einiger Finsternuß ein. Ob aber wol dem zuwider die grosse zu
samenkunfft der Planeten im Wider / welliche im April geschicht. Daher dann ab
zunemen / das vil zahren vnd geschicht werden gesehen werden im obern thail der
Lufft / vnd wirdt grosse hitz sein / auch sewer auff gehen / daß auch etliche fürsten
auß den vnserigen werden ein Tragedi vnd Rumor anfangen: Aber wie das alles
bald entstehen wirdt / so wirdts auch bald widerumb vergehen.